

觀堂別集附補遺後編

觀堂別集

附補遺後編

海甯王氏校印

觀堂別集目錄

文二十二首

庚嬴尙跋

齊國差鑾跋

攻吳王大差鑑跋

秦公敦跋

漢王保卿買地券跋

古磬拓本跋

元次山硯拓本跋

蒙文元朝祕史跋

書明大誥後

跋詞林萬選

跋王周士詞

跋赤城詞

跋蛻巖詞

跋雙溪詩餘

跋鷗夢詞

跋元曲選

跋雍熙樂府

跋吳起餘掛印雜劇

跋曲品

仿古鈐印譜序

郭春榆宮保壽序

致某教授書

詩十二首

夢得東軒老人書醒而有作一首

楊留陀六十壽詩二首

題獨立蒼茫自詠詩圖

二首

題貢王朶顏衛景卷

四首

羅雪堂參事六十生日

二首

袁中舟侍講五十生日

一首

補遺

以五介彰施於五色說

書作冊詩尹氏說

詩齊風豈弟釋義

釋宥

殷虛卜辭中所見地名考

周開國年表

周時天子行幸征伐考

古諸侯稱王說

月氏未西徙大夏時故地考

西域雜記

影印小孟鼎拓本跋

鄂侯驪方鼎跋

刺鼎跋

羌伯敦跋

虢仲簋跋

兮甲盤跋

頌壺跋

齊國差鑄跋

敔卣跋

秉中丁卣跋

羽父丁角跋

廌爵跋

魚匕銘跋

梁伯戈跋

印子金跋

新莽銅權跋

跋石鼓文

沈司馬闕朱鳥象跋

漢南宮編磬跋

梁虞思美造象跋

魏曹望僖造象跋

唐賢力苾伽公主墓誌跋

唐吳郡朱府君墓誌跋

宋趙不沴墓誌跋

禹蹟華夷兩圖跋

古瓦竈跋

古畫磚跋

宋韶州木造象刻字跋

隨庵所藏殷虛文字跋

書某氏所藏金石墨本後

唐寫本字寶殘卷跋

又謝司徒施麥恩牒跋

唐寫季布歌孝子董永傳跋

唐寫本回文詩跋

五代刻本寶篋印陀羅經跋

晉開運刻毘沙門天王象跋

內府藏宋大字本孟子跋

跋四部叢刊景宋本周易

宋刊後漢書郡國志殘葉跋

宋刊分類集注杜工部詩跋

四部叢刊李賀歌詩編跋

宋刊大唐三藏取經詩話跋

元刊本伯生詩續編跋

孟子音義跋

跋顧刻廣韻

日本寬永本孔子家語跋

元豐九域志跋

校本水經注箋跋

水經注釋跋

明黃刻本楚辭章句跋

明內閣藏書目錄跋

音學五書跋

顧亭林文集跋

汪曰楨長術輯要跋

雜劇十段錦跋

曲品新傳奇品跋

跋明熊忠節題稿

段懋堂先生手跡跋

跋乾隆諸賢詩卷

沈乙庵先生絕筆楹聯跋

壬戌

海甯陳君暨鄒淑人墓誌銘

魏石經考序

曲錄序

又

尙書覈詁序

國學叢刊序

殷先公先王考附注

毛公鼎考釋附注

與友人論石鼓書

庚申

與馬叔平論石鼓書

後編

陸法言切韻斷片考

唐人韻書覃談在陽唐前說

記魏鶴山唐韻後序

唐韻別本考

邱閣考

摩尼教流行中國考

書毛詩故訓傳後

古本竹書紀年輯校序

今本竹書紀年疏證序

爾雅草本蟲魚鳥獸釋例序

流沙墜簡考釋補正序

殷虛文字類編序

金文編序

元刊雜劇三十種序錄

漢書藝文志舉例後序

校補南唐二主詞跋

祕書監志跋

大元馬政記跋

隋志跋

別目

四日

三日

二日

一日

十日

九日

八日

大元

對前

對前

對前

對前

觀堂別集

王忠愍公  
遺書外編

海甯 王 國維

文二十二首

庚嬴卣跋

歸安吳氏藏卣銘曰王徂于庚癸宮舊釋庚癸余謂此字从貝从嬴當是嬴字假爲女姓之嬴上虞羅氏藏一鼎銘云嬴氏作寶鼎字亦从貝惟荀伯大父簋有嬴字芮君盥有嬴字則徑作嬴春秋左氏宣八年經夫人嬴氏薨葬我小君敬嬴公穀嬴並作熊觀於鼎卣二器可知嬴熊相混之故矣

齊國差簠跋

簠銘云國錫立事歲咸丁亥日照許印林瀚跋此器以爲古人

用干支紀歲實始於此余謂非也齊器多兼紀歲月日如子禾子釜云□□立事歲禮月丙午陳猷釜云陳猷立事歲歲月戊寅此器云國差立事歲咸丁亥文例正同但咸下奪一月字耳前二器當讀么么立事歲爲句么月爲句丙午戊寅爲句此器

亦然云國差立事歲者紀其年也古人多以事紀年如南宮方鼎云惟王命南宮伐反虎方之年克鼎云王命克舍命于成周適正八自之年皆是咸者其月也禳月歲月蓋月陽月陰之異名齊人之語不必與爾雅同也丁亥者其日也古人鑄器多用丁亥諸鐘銘皆其證也然則自漢以前實無用于支紀歲之事許說失之至阮文達據甲午簋謂秦始以干支紀年則誤以政和禮器爲秦器孫仲容已糾正之矣癸亥季夏

### 攻吳王大差鑑跋

銘云攻吳王大差彝其吉金自作御監人見有吳王大差字以爲吳王夫差之器也是說也余甚疑之以是器出山西不得爲吳物故曩以攻吳爲工虞當是官名王大差則人名也頃閱篋中所蓄金文拓本有丹徒劉氏所藏一鐘銘曰唯正月丁亥工戲王皮黹之子諸減自作□鐘云云又讀西清續鑑亦有工戲王皮黹之子諸盛鐘凡十有一皆出臨江因思吳戲同音工戲亦即攻吳皆句吳之異文古音工攻在東部句在侯部二部之字陰陽對轉故句吳亦讀攻吳皮黹無考以聲類求之當即史

記吳泰伯世家之頗高乃吳子壽夢之曾祖史記載頗高子句卑與晉獻公同時則皮黻王吳當在春秋之初葉矣至吳獻互用亦與古器邾鼃互用不礙其爲一國然則此器之攻吳王夫差或卽吳王夫差矣此器形制鉅麗爲春秋時諸器之冠非夫差之侈不易辦此其出于晉地者或黃池之會所遺弃歟甲子五月

### 秦公敦跋

右秦公敦出甘肅秦州今藏合肥張氏器蓋完具銘辭分刻器蓋語相銜接與編鐘之銘分刻數鐘者同爲敦中所僅見其辭亦與劉原父所藏秦盥鉢鐘大半相同蓋一時所鑄字迹雅近石鼓文金文中與石鼓相似者惟虢季子白槃及此敦耳虢槃出今鳳翔府郿縣禮邨乃西虢之物班書地理志所謂西虢在雍者也此敦雖出甘肅然其敘秦之先世曰十有二公亦與秦盥鉢鐘同雖年代之說歐趙以下人各不同要必在德公徙雍以後雍與西虢壤土相接其西去陳倉亦不甚遠故其文字體勢與寶槃獵碣血脈相通無足異也此敦器蓋又各有秦漢間

鑿字一行器云鹵元器一斗七升八奉敦蓋云鹵一斗七升太半升蓋鹵者漢隴西縣名卽史記秦本紀之西垂及西犬邱秦自非子至文公陵廟皆在西垂此敦之作雖在徙雍以後然實以奉西垂陵廟直至秦漢猶爲西縣官物乃鑿欵於其上猶齊國差鑿上有大官十斗一鈞三斤刻欵亦秦漢間尙爲用器之證也故此敦文字之近石鼓得以其作於徙雍以後解之其出於秦州得以其爲西垂陵廟器解之

漢西縣故址在今秦州東南百廿里

癸亥八月

### 漢王保卿買地券跋

漢王保卿買地券近出洛陽其券云從河南河南街郵部男子袁叔威買罽門亭部什三陌西袁田三畝罽卽皋之別字案文選潘安仁西征賦云乃越平樂過街郵秣馬罽門稅駕西周又水經注灋水云河南縣北有潛亭灋水出其北梓澤中水西有一原其上平敞卽舊亭之處也潘安仁西征賦所謂越街郵者也又穀水注云穀水東至千金竭東合舊瀆舊瀆又東晉惠帝造石梁於水上瀆口高三丈謂之罽門橋潘岳西征賦曰秣馬罽門卽此處也據此券則漢時已有皋門亭其橋亦當是漢時

舊迹鄴注稱橋西門之南頰文稱晉元康二年十一月二十日  
改治石巷到三年三月十五日畢而西征賦作於元康二年已  
有罍門且石刻云改治石巷則非惠帝始築明矣其地據鄴注  
之說當在今洛陽城之東北金墉城之西金谷園故址之南此  
券出土必於是間矣甲子重陽日記

### 古磬拓本跋

夢鄴艸堂藏古磬一股長建初尺七寸二分博四寸六分半厚  
一寸強鼓長一尺一寸六分強博三寸四分厚一寸穿在股鼓  
之閒而股鼓倨句之度侈於一矩有半其下面作一弧線不能  
分股鼓之界股虛二大磬則徑作弦線與攷工記磬氏制度不盡合以繩縣之則  
鼓向外與股虛二大磬孟津所出周大小二磬及長安所出漢  
四時嘉至磬並同與程易疇先生磬折古義中所創古磬直縣  
之說不合此磬癸亥仲秋得於鄭州雖未知出於何所及爲何  
代物然與孟津周磬及漢嘉至磬形制正同知亦爲周漢閒物  
矣案程君磬折節之解誠妙悟絕人磬氏車人二職至是始得  
確解然由人之磬折以推磬之直縣則經并無此說歐陽公集

古錄跋尾謂古鐘皆側縣今傳世古鐘有甬及旋蟲者縣之其鼓皆外向也鐘磬之鼓外向於擊者爲便此商周漢三代之磬無不然然則程君之說固不盡可據也至此磬倨句之度與磬氏不合亦猶傳世古鐘合於鳧氏制度者鮮此不得執古器以疑考工亦不得據考工以議古器蓋考工但言其制度之大略至作器時仍應以音律定之磬氏經文言已上則磨其旁已下則磨其端則其所定長廣厚薄之度固不能無出入矣癸亥季秋薄游津門摩挲此磬者久之雪堂先生因出此拓屬題爰記其與磬氏及舊說異同如右

元次山硯拓本

此硯癸亥季夏雪堂先生得之天津形制古樸背有聲叟二字似褚登善書蓋元次山遺硯也次山初居商餘山號元子兵興逃難猗玗洞稱猗玗子至德元載後家瀼濱自稱浪士乾元元年及有官人呼爲漫郎乾元二年既以侍親客樊上樊左右皆漁者少長相戲更曰聲叟而酒人稱爲漫叟並寶應元年並見於次山自釋載唐書本傳及顏太師所撰墓表而次山寶應以後多自稱漫叟不稱聲叟其詩文可證也然則聲叟之

號但用於初居樊上時此硯乃在樊口時所作也其後二年乃出知道州而春陵行中興頌諸詩文皆知道州後所作蓋用此硯所草可知也此硯流傳千餘年世無知者一旦忽入先生之手先生老於文學天其將使再艸浯谿之銘而舉以畀之耶又何其巧也小除夕前二日

顏公次山墓表次山卒於大歷七年夏四月庚午春秋五十然據次山別王佐卿序云癸卯歲京兆王契佐卿年四十六河南元結次山年四十五案癸卯爲代宗廣德元年則下訖大歷七年壬子次山之卒得年五十有四非五十也以此推之次山實生於開元七年己未新唐書本傳亦仍顏表之誤附正於此又記

### 蒙文元朝祕史跋

此本卷首書題下有忙豁侖紐察脫察安二行曩顧千里跋此本以爲撰人姓名余謂此即元朝祕史之蒙古語也忙豁侖即蒙古脫察安即元史之脫必赤顏若脫卜赤顏非撰人名明火原潔華夷譯語凡例云字下小注卜字必字者皆急讀合口音

也不用讀出考元史之脫必赤顏若脫卜赤顏元史國語解改  
作托卜齊延卜字正作字下小注則讀爲脫察安固其所也元  
史虞集傳有旨修經世大典集請以國書脫卜赤顏增修太祖  
以來事迹承旨塔失海牙曰脫卜赤顏非可令外人傳者遂已  
案既稱國書脫卜赤顏則當文宗時此書尙無漢譯之本乃察  
罕傳言仁宗命譯脫必赤顏名曰聖武開天記及紀年纂要太  
宗平金始末等書俱付史館云云考明文淵閣書目卷五有元  
朝祕史續祕史各二部卷六有聖武開天記一部則察罕所譯  
與虞集所請自非一書緣聖武開天記既宣付史館且至明初  
尙存則與虞集國書之目塔失海牙不傳外人之言不能相符  
疑元時自有兩種脫卜赤顏其譯爲聖武開天記者殆即今之  
元聖武親征錄而虞道園所請以修經世大典者則今之元朝  
祕史也明鄭曉今言<sup>四</sup>洪武十五年命翰林侍講火原潔等編  
類華夷譯語復令取元祕史參考以切其字諧其聲音則洪武  
中葉此書已有譯本今案此書元朝祕史四字明是明人所題  
而續集卷一蒙文內中都字樣譯文易爲北平即用洪武元年

所改之名則移譯之事自在洪武元年後考宋濂鑾坡集四有

呂氏探史目錄序云洪武元年冬十有一月命啟十三朝實錄

建局刪修元史明年秋七月史成自太祖至於寧宗總一百五

十九卷順帝三十六年之事舊乏實錄闕略不備於是奏遣使

者十一人徧行天下凡涉史事者悉上送官今之北平乃元氏

故都章貢呂仲善時司膳成均乃被是選是月癸卯即乘驛北

上八月丁卯抵北平凡詔令奏疏拜罷奏請布在方冊者悉輯

爲一有涉於番文則令譯而成文至冬十一月壬辰朔始完以

帙計者八十帛至行中書省借官印識之進于南京濂於是有

所依據修成續史四十八卷夏六月洪武三年復詣闕上進云云是洪

武二年探史之役實兼譯事此元朝祕史亦即所譯番文之一

惜洪武三年重修時僅續成順帝一朝事而於已成之百六十

九卷未遑修改故元史中訖未採入此書一字宋濂元史目錄

後記雖云凡前書所未備者頗補完之蓋亦一具文而已此書

呂仲善既上之史館故洪武十五年撰華夷譯語時得取以參

考今傳本行欵正與洪武本華夷譯語相同蓋出一時所刊前